

SUURAT AL-INSAN:

*Magaca Eebe yaan ku bilaabaynaa ee Naxariis guud
iyo mid gaaraba Naxariista.*

- 1. Dhab ahaan waxaa dadka soo maray waqti wax la sheego uusan ahayn (uusan jirin)*
- 2. Annagaa ka abuuray dadka dhibic isku Dheehan, Imtixaan Dartiis, waxaana ka yeellay wax maqle wax arka ah*
- 3. Annagaa Dadka tusinnay Jidka, waxayna Noqdeen mid Shukriya (mahadiya) iyo mid Gaalnimo Badan*
- 4. Annagaa u darabnay Gaalada silsilado iyo katinado iyo naarta Saciira*
- 5. kuwa Baarriyiinta ah waxay ka cabbi weel Buuxa oo lagu Dheehay kaafuur*
- 6. Wa il ay ka Cabbaan Addoomada Eebe, ayna ujiidaan say Doonaan*
- 7. Wayna oofiyaan Nadarka, waxayna ka yaabi maalin sharkeedu fidi (qiyaamada)*
- 8. Waxayna Quudiyaan iyagoo jecel miskiinka Agoonka iyo kan Xabbisan (Dhibban)*
- 9. Iyagoo Dhihi waxaan idiin quudinnay dar Eebe, mana idinka doonaynno Abaalmarin iyo Mahadnaq midna*

Sharaxda Suurrada (1)

Eebaa jiray isagoon wax kale joogin, isagaana hadhi markii la tago, waxaanna dadka soomaray waqti ayna waxba ahayn, Eebaase abuuray si loo imtixaano kooda fiican iyo kan kale, jidka iyo wanaagana wuu u caddeeyay, gaaladana caddibaadbaa u sugnaatay, Mu'iniinta Eeba adeecda ee ballankiisa oofisa, Qiyaamadana ka yaabta, masaakiinta, agoonta iyo dadka dhibbanna quudiya dar Eebe dartiis wuxuu u darbay Janno iyo wanaag.

Qataada wuxuu yidhi: sharku wuu fidi maalintaas Wallaahiye intuu cirka iyo dhulka ka gaadho.

10. *Waxaan ka Yaabaynaa Eebahanno Maalin (wajigu) doorsoomi oo Daran*
11. *Eebana waa ka Dhawray sharka Maalintaas, wuxuuna siiyay nuur iyo Farax*
12. *Wuxuuna ku abaal Mariyay Samirkooda Dartiis Janno iyo Xariir*
13. *Waxayna ku Dangiigsan Sariiro Sare, iyagoon ku arkayn qorrax iyo Dhaxan midna*
14. *Waxaana u dhaw hooska jannada, waxaana loo soo Raariciyay Midheheeda*
15. *Waxaa lala kor socon weelal Fidla ah iyo Koobab Quruurado ah*
16. *Quruuradahaas oo fidla ah si fiicanna u Qiyaasan*
17. *Waxaana laga Waraabiyaa Ehlu jannaha Sharaab macaan oo lagu Dheehay sinjibiil*
18. *Waana il lagu Magacaabo Salsabiil (ay ka cabbi)*
19. *Waxaana u adeegi wiilal waari, Haddaad Aragтана aad u malayn Jawhar la saydhay*

Sharaxda Suurrada (2)

Eebe ciddii ka yaabta wuxuu ku abaal marin sharkoos ka dhawro iyo janno uu siiyo, iyagoon wax xun la kulmayn ay una shaqayn adeegayaal waari oo wiilal wanaagsan u shaqayn, iyagoo loo dhammeeyay nicmooyinka Eebe aayadaha ku tilmaamay oy waajib tahay ruxii caqli leh inuu higsado una darbado. Ibnu Cabbaas wuxuu yidhi: Adduunyada waxa lagu sheegahayo iyo jannada waxaa kulmiya magaca.

20. *Haddaad Aragto halkaas waxaad arki nicmo iyo sharaf wayn*
21. *Dharkooduna (Ehlu Jannaha) waa xariir Jilicsan oo cagaaran iyo Xariir adagba, waxaana loo xidhi fidlo Gacmaha la Gashado, Eebana wuxuu ka waraabiyaa sharaab nadiifah*

- 22. Kaasi waa Abaalmarintii Falkiiniina wuxuu Noqday mid la Mahadiyay**
- 23. Annagaa Quraanka Nabiyoow kugu soo Dajinnay**
- 24. Ee ku Samir Xukunka Eebe, hana Maqlin Dambiile iyo Gaalnimo Badane (warkiis)**
- 25. Xus magaca Eebe subax iyo Galabba**
- 26. Habeenkana Eebe u sujuud, una tasbiixso Habeenkii (u tuko) waqti Dheer**
- 27. Kuwaasi waxay Jecelyihiin tan soo Dagdagaysa (Adduunyada) waxay kaga Tagayaan Gadaashoodana Maalin Culus (Qiyaamada)**
- 28. Annagaa Abuurray Dadka, Adkaynayna xubnohooda, Haddaan Doonnana waxaan ku Baddalaynaa Kuwa la mid ah**
- 29. Suuraddani waa waano, Ee Ruuxii Doona ha ka yeesho Eebe Xaggiisa waddo**
- 30. Waxna ma dooni kartaan in Eebe doona mooyee, Eebana waa wax walba oge falsan**
- 31. Wuxuu galiyaa naxariistiisa ruuxuu doono, daalimiintana wuxuu u darbay cadaab daran**

Sharaxda Suurrada (3)

Jannada waxaa ku sugan waxaan ilu arag isagoo kale dhagna maqal qalbina ku soo dhici karin, waase in Eebaha Quraanka soo dajiyay la adeeco, dhibkana loo adkaysto, xumaanle warkiisana aan la maqal, adduunyana aan aakhara laga doorannin, si aan Naxariista Eebe u helno.